

衡輝府志

衛輝府志卷四十一

詩類

詞

麥秀詞

殷箕子

麥秀漸漸兮禾黍油油彼狡童兮不與我好兮麥秀漸漸
禾黍油油彼狡童兮不我好仇

扣角詞

周甯戚

南山燦白石爛中有鯉魚長尺半生不逢堯與舜禪布
單衣纜至飢從昏飯牛薄夜半長夜漫漫何時旦

思歸引

衛輝府志

卷四十一

詩類

一

衛侯有女趙王聞其賢聘之未至而王薨太子欲留之
女不聽拘於深宮欲歸不得援琴而歌

涓涓泉水流於淇兮有懷于衛靡日不思執節不移兮行
隳軻何辜兮離厥菑嗟乎何辜兮離厥菑涓涓泉水

流於淇兮有懷於衛靡日不思執節不移兮行不詭隨坎
坷何辜兮離厥茨

齊王建

建齊襄王子始皇二十六年秦兵擊齊齊王聽相后勝之
計不戰而降秦遂虜之遷於共處松柏之間餓死齊人
用客之誤故作歌

松耶柏耶建共者客耶

一本作住建共者客也共卽今共城

烏

一作青陵臺歌

韓憑戰國時爲宋康王舍人妻何氏美王欲之捕舍人築青陵臺何氏作烏鵲歌以見志遂自縊死
南山有烏北山張羅烏自高飛羅當奈何
烏鵲雙飛不樂鳳凰妾是度人不樂宋王

韓憑妻答夫歌

其雨淫淫河大水深日出當心

馮燕歌

唐沈亞之

魏中義士有馮燕遊狹幽并最少年避讐偶作滑臺客嘶

衛輝府志

卷四十一

詩類

二

風躍馬來翩翩此時恰遇鷺花月堤上軒車晝不絕兩面
高樓語笑聲指點行人情暗結擲果潘郎誰不慕朱門別
見紅粧露故故推門掩不開似教歐軋傳言語馮生敲鐙
袖籠鞭半拂垂楊半惹烟樹間青烏知人意的的心期暗
與傳傳道張嬰偏嗜酒從此春閨爲我有梁間客鷺正相
欺屋上鳴鳩空自鬪嬰歸醉臥非讐汝豈知負過人懷懼
燕依戶扇欲潛逃巾在枕傍指令取誰言狼戾心能忍待
我情深情不隱回身本爲取巾難倒柄方知授霜刃馮君
撫劍卽遲疑自顧平生心不欺爾 負彼必相負假手他人
復在誰窻間紅艷猶可掬熟視花鈿情不足唯將大義

曾中粉頸初過如切王鳳凰釵碎各分飛怨魄嬌魂何處
歸陵波如喚遊金谷羞彼擲揄淚滿衣新人藏匿舊人起
白晝喧呼駭隣里誣執張嬰不自明貴免生前遭拷捶官
將赴市擁紅塵掉臂人來擗看人傳聲莫遣有冤濫盜殺
嬰家卽我身初聞僚吏翻憂嘆呵叱風狂詞不變縲囚解
縛猶自疑疑是夢中方脫免未死勸君莫浪言臨危不顧
始知難已爲不平能割愛更將身命救深冤白馬賢侯賈
相公長懸金帛募才雄拜章朗誦馮燕罪千古三河激義
風黃河東注無時歇注盡波瀾名不滅爲感詞人沈下賢
長歌更與分明說此君精爽知猶在長與人間留炯誠鑄

衛輝府志

卷四十一

詩類

三

作金燕香作堆焚香酌酒聽歌來

鑄歌

唐
柳宗元

唐旣受命李密自敗來歸以開黎陽斥東土爲獸之窮
獸之窮奔大麓天厚黃德狙獷服甲之橐弓弭矢箠皇旅
清敵逾蹙自亡其徒匪予戮屈贊猛虎慄慄縻以尺組噉
以秩黎之土土茫茫富兵戎盈倉箱乏者德莫能享驅豺
兕授我疆

思賢亭歌

明
王 韋

我所思兮山之窩來自范陽棲其阿冲然靈襟融太和靜
觀萬物時吟哦思之不見將如何 我所思兮山之廬來

自河南乘其碣百年綱常幾 胥煦煦 迪仍渠渠思之不
見將何如 我所思兮山之臺來自汲郡依草萊山陽酒
徒高其才問之不應心悠哉劃然長嘯山雲開 我所思
兮山之人不遠千里山爲隣月山椒兮風水濱去而不釋
來無因山乎亭乎常悲辛

青岩山歌

李東陽

青岩山甄郎高風不可攀祿山使者封刀還入東京見黃
蓋帝勅僞官階下拜鄭虔貶死王維生故人獨有蘓源明
君不舞象悲啼樂工哭賊斫工屍分象肉

延津歌送韓令

何景明

衛輝府志

卷四十一

詩類

四

延津寇過餘少男延津縣令莫停驂雙鳧直向黃河北一
鴈先飛清衛南黃河岸邊不種麥濁浪滔天多賈客城中
少男爾勿愁縣令到時爲買牛

黎陽曲

薛瑄

黎陽境包大河昔誰于此盜據土宇尋干戈黎陽城依大
伾昔誰于此竊食倉廩因富資謂是隋季黑色小兒騁徂
詐詐窮力屈不顧性命危黎陽土何茫茫故壘平燹不復
有但見綠野漫漫波流湯湯鳴鳩伏雉游兔馴 舟楫往
來足商賈婦女出入勤耕桑乃知皇明如天之仁環海爲壽
域匪獨致此一邑躋樂康

放鷹臺

王越

妖狐狡兔兮眠荒臺
秋風秋草兮鷹不來
我想古人兮安在哉

翟義公歌

王世貞

東郡太守翟義公
欲噓炎燼爲長虹
皇天未啟赤符子
一寸血作千家紅
汝南殃及枯骨塚
濮陽改築鱷鯢宮
中原掩耳宣大誥
偷淚自詠平陵東
侯王吏民四十萬
何面死謁隆準
翁昆陽雷動虎蹤滅
太液波沸鼉聲窮
高廟不請政君罪
雲臺但書列宿功
祇今魏守祀名績
俎豆不載何其蒙
爾曹只知狄司空
近聞依稀田侍中
世間萬事在反掌
成敗那得論英雄
椒漿一灑千古淚
靈旗忽若搖空濛
憶昨彭城過廉里
里中老人說大龔
漢家九鼎二子在
嗚呼豈係桐江風

衛輝府志

卷四十一

詩類

五

河上曲

國朝

許作梅

黃河千里曲滾滾
日東流乾坤終不改
北下幾時休夫
妻輕離別細雨達
中霄公旬有程期
河上莫逍遙河澗
羨浮鷗悠悠遠水
洲朝飛青草渚暮
宿白沙頭古渡沙
爲岸新堤柳斷烟
生近黃河水不敢
怨皇天

城下曲

劉達

衛水橋湧碧瀾
黎陽城下望長安
春風楊柳促此

日初歌行路難妻孥回眸淚偷彈賓朋舉觴勸復乾琥珀
爲樽白玉盤箭管聲和雜鳳鸞僕夫東馬再肅信簫鼓中
流音漫漫回席合坐復共歡燈火依微杯酌殘中有故人
披肺肝正言讜論毛髮寒坐客中宵發永嘆童僕偃蹇起
辛酸新蘆細蒲護前灘暮雨烏啼破更闌客夢初回繞青
壇手披西窓綠琅玕起視曉色露溥溥明朝前路慎加餐

四言古

贈太守八章

晉 陸 雲

於穆皇晉豪彥實蕃天罔振維有聖貞觀鳴鳥在林良駿
卽閑萃彼俊乂時亮度官

衛輝府志

卷四十一

詩類

六

抑抑奚生天篤其淳芳穎蘭揮瓊光玉振沉幾照物妙思
考神思我善問觀德古人

善問伊何惠音孔韶肇允衡門翻飛宰朝肅雍芳林芬響
凌霄穆矣和風育爾清休

亦既有試出宰邦家之子於行民固謳歌風澄俗儉化靜
世波芒芒旣度且樂於和

我有好爵旣成爾服入贊崇華遂登帷幄時文聖宰天祚方
穀朔風徽止鴻漸雲嶽

悠悠斯民三代直道我求明德惟奚攸考緝熙暉章天祿
來保惠心無競豐化有造

樂只君子茂德攸綏嗟我懷人式是言歸聿言來集如翼
思揮曰予不惠照爾清

職思既殊亦各有司念我同僚悲爾異事之子之遠悠悠
我思雖無贈之歌以言志

五言古

緹縈墓

漢班固

三王德彌溥惟後用肉刑大倉令有罪就遞長安城自恨
身無子因急獨煢煢小女痛父言死者不可生上書詣闕
下思古歌鷄鳴憂心摧折裂晨風揚激聲聖漢孝文帝惻
然感至情百男何憤憤不如一緹縈

衛輝府志

卷四十一

詩類

七

酒會詩三首

晉嵇康

樂哉苑中遊周覽無窮已百卉吐芳華崇基邈高峙林木
紛交錯元池戲魴鯉輕丸斃翔禽織綸出鱸鮪坐中發美
讚異氣同音軌臨川獻清醕微歌發皓齒素琴揮雅操清
聲隨風起斯會豈不樂恨無東野子酒中念幽人守故彌終
始但當體七絃寄心在知己

淡淡流水淪胥而逝汎汎柏舟載浮載滯微嘯清風鼓楫
容裔放櫂投 優遊卒歲

歛絃散思游釣尤淵重流千仞或餌者懸猗與莊老棲
永年實惟龍化蕩志浩然

黎陽雜詩

魏文帝

西北有浮雲亭亭如車蓋惜哉時不遇適與飄風會
我東南行南行至吳會吳會非我鄉安能久留滯
棄置勿復陳
客子常畏人

渡黃河

梁江總

葱山淪西域鹽澤隱遐方兩京分際遠九道派流長
未殫所聞見無待驗詞章留連嗟太史惆悵餞黎陽
導派縈地節疏氣耿天潢憫周沉用寶嘉晉肇爲梁

入衛

唐沈佺期

淇上風日好紛紛沿岸多綠芳幸未歇汎濫此明波
采蘩

衛輝府志

卷四十一

詩類

八

憶豳吹理棹想荊歌鬱然懷君子浩曠將如何

東征至淇門 宋叅軍

陳子昂

南星中大火將子涉清淇西林改微月征旆空自持
碧潭去已遠瑤花折遺誰若問遼陽戍悠悠天際旗

至滑州隔河望黎陽憶丁三寓

王維

隔河見桑柘藹藹黎陽川望望行漸遠孤峰沒雲烟
故人不可見河水復悠然賴有政聲遠時聞行路傳

贈崔高士

王季友

夫子保樂命外身得無咎日月不能老化腸爲筋否
前見君甲子過我壽云何今相逢華髮在我後近而

遠少見今白首遙信蓬萊官不死世世有元石採盈
方秘其肘問家惟指雲意氣常言酒攝生固如此履道當
不朽未能太虛同願亦天地久實腸以芝朮踐形乃芻狗
自勉將勉余良藥再苦口

白馬津

李白

將軍發白馬旌節渡黃河簫鼓聒川嶽滄溟湧濤波武安
有振瓦易水無寒歌鉄騎若雪山飲流涸滹沱揚兵獵月
窟轉戰略朝那倚劍登燕然邊鋒列峩峩蕭條萬里外更
作五原多一掃清大漠包虎戢金戈

太公

常建

衛輝府志

卷四十一

詩類

九

日出渭流白文王畋獵時釣翁在蘆葦川澤無熊羆詔書
起遺賢匹馬令致辭因稱江海人臣老筋骨衰遲遲詣天
車快快悟靈龜兵馬更不獵君臣皆共怡同車至咸陽心
影無磷緇四牡玉墀下一言爲帝師王侯擁朱門軒蓋曜
長遠古來榮華人遭遇誰知之落日懸桑榆光景有頓虧
倏悲天地人雖貴將何爲

比干墓

孟郊

殷辛帝天下厭爲天下尊乾綱旣一斷賢愚無二門佞是
福身本忠是喪已源餓虎不食子人無骨肉恩日影不入
地下埋冤死魂有骨不爲土應作直木根今來過此下

弔此墳靜念君臣間有道 敢論

酬陸少府

高適

朝臨淇水岸還望衛人邑別意在山阿征途背原隰蕭蕭
前村口惟見轉蓬入水渚人去遲霜天鴈飛 我行應不
遠所與終未及欲濟川上舟相思空竚立

淇上別劉少府子英

高適

近來住淇上蕭條惟空林又非耕種時間散多自任伊君
獨知我驅馬欲招尋千里忽携手十年同苦心求仁見交
態於道喜甘臨逸思乃天縱微才應陸沈飄□歸故鄉不復
問離襟南登黎陽渡蒼莽寒雲陰桑葉原上起河凌山下
衛輝府志 卷四十一 詩類 十
深窮途更遠別相對益悲吟

自淇涉河途中作

高適

野人頭盡白與我忽相訪手持青竹竿日暮淇水上雖老
美容色雖貧亦閒放釣魚三十年中心無所向
南登滑臺上却望河淇間行樹夾流水孤城對遠山念茲
川路濶羨爾沙鷗閒長想別離處獨無音信還
東入黃河水茫茫汎紆直北望太行山峩峩半天色山河
相映帶深淺未可測自昔有賢才相逢不相識
茲川方悠 雲沙無前後古堰對河壩長林出淇口獨
非吾意東向日已久憂來誰得知且酌罇中酒

衛河

李頎

登岸還入舟水禽驚笑語晚葉低衆色濕雲帶殘暑落日
乘醉歸溪流復幾許

東郡懷古

漢王尊

李德裕

河水昔將決衝波溢川潄崢嶸金堤下噴薄風雷音投馬
災未彌爲魚嘆方深惟公執圭璧誓與身俱沉誠信不虛
發神明宜爾臨湍流自此迴咫尺焉能侵逮我守東郡悽
然懷所欽雖非識君面自謂知君心意氣苟相合神明無
古今登城見遺廟日夕空悲吟

蘓門夜雨

宋周敦頤

衛輝府志

卷四十一

詩類

十一

秋風拂盡熱半夜雨淋漓遠屋是芭蕉一枕高響圍恰似
釣魚船棚底睡覺時

蘓門山

元許衡

大山如蹲龍小山如踞虎煙嵐鬱蒼翠遠近互吞吐我來
蘓門居遨遊成樂土策杖望朝雲捲簾看暮雨佳意豁塵
腥勝槩入談塵使我鬱陶消使我勞瘵愈生平鄙吝心一
洗出千古回首聲利人何殊坐圜圜遠役非素懷况有跋
涉苦吟鞭裊東風遲遲如去魯芳菲二三月追遊盛梅
歸來願無違一觴期對舉

汲塚

王暉

瀾迤伍城郡背水猶陣圖魏陵廢已久磅礴如覆孟草樹
慘不春穿穴狐狸墟我來登其巔懷古心躊躇憶當戰國
際安釐亦狂且澤麋被臯比坐爲秦人驅敗亡自此始保
邦何乃踈不知身後藏安用書十車上窺似與商下逮蒼
周書零亂竹簡光詭說何紛拏征南辯已詳多出行怪徒稽
古不適正死爲毛穎誣其中亟當辯阿衡被夷誅孔子修
六經亦已防姦污大書一德后薨葬聞毫都在易最竒法
安取理所無茲焉萬世程洋洋眞 謨何煩事幽蹟致遠泥
所趨長歌望陵去樂過風乎雩

遊覽
三首
之一

明
李夢陽

衛輝府志

卷四十一

詩類

十一

余懷百門山水尚矣頗有移家之志交春氣熙□焉獨徃述
情遣抱四詠遂成示同好數子

浮海傷固窮逾河嘆誠邁濯纓萬里流高視九州外功成
奔運徂氣至流飈代棲棲秋柯零冉冉春條媚周覽倦河
壩孤惊冀岩瀨道以沉寂超賞與崇深會豈惟超遠情亦
因謝塵籟聿想山中人風吹女蘿帶折麻凌險岬采秀越
森蒼眷彌志終申獨徃竟誰礙崢嶸太行峰崑崙百門對
抗手別故懽乘雲弄煙漑

宿蘓門

李夢陽

朝發陽武城暮宿蘓門里卧聽青山鐘遙望白雲裏

北風吹山雲不見山 月蘓門一夜雨千峰盡成雪

傷盧柟

王世禎

昔騎紫驊騮翩翩遊 都綠醺喚明月踉蹌墮冰壺倚醉
別盧柟春草十二枯 間黃金魚久逐酒家胡魏節重入
手雪亦侵頭顱盧柟化爲土遺骨知在無兩女勝才人下
嫁廝養徒中原散遺集零落照乘珠薄醕指嶠嶢若敖奪
沙舖風吹英雄淚忽忽千秋徂倘遇禰正平狂鬼晚不孤

衛河上懷孫鍾元先生

國朝

王士正

朝來衛河上遙見蘓門山蒼翠雜諸嶺清涼分百泉緬懷
松舟趣長詠竹竿篇及茲限跬步擊汰失資緣遙憶嘯臺

衛輝府志

卷四十一

詩類

十三

翁山中方晏眠兒孫繞膝下洞壑當門前茶臼隱修竹蓮
舟隨稻田少年任豪俠白首此終焉無由逐高鳥矯翮青
冥邊

蘓門三賢詩

王士正

張于度

蘓門孫徵君曰于度爲鹿伯順高弟從予五十年未嘗或
離左魏之難履虎尾 春水烈士之名滿天下卒歸老蘓門
高蹈遠隱志士不忘在溝壑其度幾乎于度名 中容城
人葬夏峰北原

明運昔中圮菴豎奸大位衣冠虛南牙政柄歸北寺誰

鉤黨魁嶽嶽左與魏一朝檻車徵牢戶事陰秘傷哉史弼
言茶甘乃如齋容城有布衣發憤亡鯁避要鎖理太尉舉
幡訟司隸貫械渤海生赤幘夏門吏桑海四十年往事如
夢寐骨歸蘓門山名在顧厨次

理寒石

本姓李也名邕和西華人耻與逆闖同姓改曰理孫徵君
與西華左令書稱爲魯連後一人

魯連蹈東海其志耻帝秦龔生天天年詎知有美新陶公
懷晉室聊存頭上巾嗟哉均埒流乃愧青巖甄西華理寒
石爲儒甘賤貧奉母蓬藿中歸潔恐辱身梟鏡交蹄跡神

衛輝府志

卷四十一

詩類

十四

州日沉淪靈氛久上天呼號竟無因感激變姓名下士良
苦辛何人傳節義誦言聊一申

餓夫

彭姓字了凡蠡縣人遭闖亂棄諸生客饒陽爲鄉塾師已
而從孫徵君子蘓門或授之粟不受竟坐死嘯臺之旁徵

君題曰餓夫墓

彭名
之燦

黔敖呼餓人不受嗟來食使之當大事必讓千乘國靈

餓鬢桑倒戟一何 簞食不亡報竟 逼蘓門有

風節夙所植生餓 門下死葬蘓門側嘯臺高峩峩

流湜湜清風一相 水石起寒色遐哉首陽薇千古

息

遊霖落山

王祖晉

幾載絆塵鞅不識山靈面爽氣自西來拄頰時欣羨仲
喜微暇選徒得狂狷出城聞鷄啼禾黍清風扇曉日散層
陰晴霞飛片片宵露朝未晞石滑馬蹄戰轉側路幾迷俯
仰目屢眩一落千文強狡獪 援 雲翻光景乍隱
見衆綠聚山椒參差露禪院山 怪行人匣樹吟聲變
有老僧閒清磬 晨殿爲指山後亭直上如一線飄渺十
仞岡振衣殊 探竒入幽谷東峰更婉變香泉曲折流
直下懸疋練歷落疑跳珠微茫成集 試取苦茗烹斯遊應

衛輝府志

卷四十一

詩類

十五

忘倦更欲入山深夕陽閃流電北魏亦可人離官此地選
也知 源幽無那塵世戀遐哉山水尊真覺簪纓賤

丁未重陽侍伯父偕諸同學舍弟體善侄輩會年遊

靈山寺分賦

蘓繼善

經年對西山孔懷登臨志每見曾遊人指說靈山寺西南
有深谷靈境更幽邃手狀口爲圖撮虛造竒致何當陟其
巔盪胸兼挾背隨行許同遊先期庀糗糒重九偕吾儕
步向叢翠透迤十餘里岡巒漸巽屐磔然幽勢分更互呈
詭異或峙如曲屏或奔若連騎或嵐若昂顙或俯如垂鼻
竒鬼紛攫拏怒搏糾股臂攬勝不覺遠泉聲灑草際隔溪

見山門老僧肅客至汲泉烹苦茗甘芳訝不類僧言靈源
竒茅深徑未治老人不憚險杖履先儕輩攀跣下陡巖曲折
超流漸雙龍瀆玉漿寒綠潏滑膩連峰插霄漢依稀現題

字且命雲中眠西谷遊可嗣懸崖列鬼神鳴豹驅魑魅

隔山有聲

殊厲寺僧云是豹鳴

蒼蒼六峰高微月 宮闕身心兩泊然夢覺忘

住逝質明眺西巖

此處闕待補

山 羅瑣碎心已入南山

遊興胡可制烟嵐互送迎削壁瞥駭睇嵌險磴道盤仄歎
相支綴白草雜黃花碍路肆蒙翳每當險絕處纏結爭擁
蔽夾徑山愈竒拾級心轉悸指引賴行腳獠升屢牽縋飛
梁蛟背滑跨澗蜺尾曳石門凌層雲灌木晝陰噎精廬結

衛輝府志

卷四十一

詩類

十六

松檜懸泉滋蘿薜緣階轉大壑股慄神難憩回望北高峰
矮縮平坐次仰面驚樵蹤微茫挂螺髻林梢俯堪數殷紅
爛丹柿指顧求靈山眩不辨方位半壁日景斜渾疑非人
世塵緣嗟未捐欲歸強愛字數武山已迴靈境如我避始信
桃源人途迷匪異事

遊靈山寺

張應鵬

靈山有古寺登臨子代僕杖履欣追隨相將携穀藪佳節
值重陽黃花媚幽谷嶺上霜葉丹樹頭仙果熟况有清冷
泉疊石見飛瀑源出此山根環寺淺可掬縱觀四而山不
減峰六六小子亦忘疲仄徑不知蹙明月轉巖隈共 禪

房宿詰朝尋來徑山南更肆 深澗在飛巖高峰隱茅屋
石磴幾千層危橋樹古木桐陰梵王宮靈跡仙人築長者
先廻車此景未暇矚同人歸去來緩步猶嫌速戲言 重
陽須插滿頭菊

七言古

臨河客舍呈秋明府留題縣南樓

唐 岑 參

鳳陽城南雪正飛黎陽渡頭人未歸河邊酒家堪寄宿主
人小女能縫衣故人高臥黎陽縣一別三年不相見邑中
雨雪偏着時隔河東郡人遙羨鄴都唯見古時邱漳水還
如舊日流域上望鄉應不見朝來好是賴登樓

衛輝府志

卷四十一

詩類

十七

封邱感懷

高 適

我本漁樵孟諸野一生自是悠悠者乍可狂歌草澤中寧
堪作吏風塵下祇言小邑無所爲公門百事皆有期拜迎
官長心欲碎鞭撻黎庶令人悲悲來向家問妻子舉家盡
笑今如此生事應須南畝田世 付與東流水夢想舊山
安在哉爲啣君命日遲廻乃知梅福徒爲爾却憶陶潛歸
去來

頎欲之新鄉答崔灝綦毋潛

李 頎

數年作吏家屢空誰道黑頭成老翁男兒在世無產業行
子出門如轉蓬吾屬交歡此何夕南家擣衣動歸客銅鑪

炙相歡飲星宿縱橫露華白寒風卷葉渡滹沱飛雪布
地悲峩峩孤城日落見棲烏馬上時聞漁者歌明朝東路
把君手臘日辭君期歲首自知寂寞無去思敢望縣人致
牛酒

歸鴈亭

宋 歐陽修

斬誅榛莽辨草樹頗有桃李當墻隈新年風色日漸好晴
天仰見鴈已回 長河終歲足悲風亭古臺荒半倚空惟有
鴈歸時節蚤柳含微綠杏粘紅

荅梅龍圖見寄

歐陽修

風吹城頭秋草黃仰見鴻鴈初南翔秋草風吹春復綠南

衛輝府志

卷四十一

詩類

十八

鴈北飛聲肅肅城下臺邊叅李蹊憶初披荒手植之雪消
冰解草木動因記南鴈將歸時邇來十載空遺跡飛鴻年
年自南北臺傾餘址草荒涼老樹無花春寂歷東郡太守
詩尤美組織文章爛如綺長篇大句琢方石一日都城傳
白紙我思古人無不然慷慨功名垂百年沉碑身後念陵
谷把酒泣下悲山川一時留賞雖邂逅後世傳之因不朽

重過韋城

司馬光

二十五年南北走遺愛寂然民記否昔日嬰兒今壯夫昔
日壯夫今老叟

蘓門山

金 元好問

行元氣老不死上與左界分山河有如巨鰲昂頭
突兀已過餘坡陀我從汾晉來山之面目腹背皆經過
濟源盤谷非不佳烟景獨覺蘓門多湧金亭下百泉水海
眼萬古留山阿鶩沸灤水源滄淪晉溪波雲雷溼鬼物窟
宅深蛟鼉水妃簸弄明月璣地藏發泄天不訶平湖油油
碧於酒雲錦十里翻風荷我來適與風雨會世界三日漫
攆羅山行不得山北望空長哦今朝一掃衆峰出千鬢萬
髻高峩峩空青斷石壁微茫散烟螺山陽十月未搖落翠
旌雲旂相盪摩雲烟故爲出濃 魚鳥似 留婆娑石間仙
人跡石爛跡不磨仙人去不返六龍忽 跼江山如此不

衛輝府志

卷四十一

詩類

十九

一醉拊掌笑殺孫公和長安城內烏尾訛并州少年夜枕
戈舉杯爲問謝安石蒼生今亦如卿何元子樂矣君其歌

蘓門

元 劉 豫

太行雄偉赤霄逼枝分蘓門爲肘腋孕竒產秀氣蟠鬱湧
作琉璃十頃碧初疑驪龍蟄山趾仰噴明珠飛的礫忽如
湘靈理新粧大盤開匣作磨拭峯巒倒影浸 烟蘋藻照沙
改顏色相輝一段佳風月餘澗幾州及動植昔聞隱淪神
仙人高標清與溪山敵悠悠往事散浮雲嘯有遺臺行有
迹我居東秦濟水南無限泉池日親炙一行作吏別經年
情思塵埃何處滌靈祠因禱來凭欄頓爽骨毛快胸臆飄

飄蘭舟七八客樽俎笙簫隨分入勝槩紛并眼不暇恨乏
魯戈延晷刻歸城簿領厭沉迷春睡每着蝶夢適心約他
時杖履遊醉漱溪流枕溪石

湧金亭

王惲

亭在靈源亭左泉水湧出日映如金故名金主簿李天瑞
重建內有蘓軾書蘇門山湧金亭六字

曉雲扶山山氣昏坐來萬壑橫朝暎丹崖翠壁畫莫出但
覺時景供愁新地靈祠古秘幽怪天授神柄專其尊年年
簫鼓祠下路東風十里楊花春我來愛此山水窟天氣着物清
而溫湧金亭上一盤礴主人留醉倒金樽水邊滉瀆多麗

衛輝府志

卷四十一

詩類

二十

人往來但見珠翠裙不知仙家足奇貨明珠脫串一一浮
出摩尼眞波間可玩不可撥雲錦翻動玻璃盆書生潤身那
羨此席上正有吾家珍舉杯酌酒但默禱山靈垂意哀王
孫願分秀色貯詩腹一洗萬斛胸中塵仙官有請固不拒
山鬼竊笑君無因不然結茅傍修竹雲烟占斷西胡曲月
明舒嘯北山巔喚起公和跨黃鵠

遊百泉讀遺山詩次韻

明
陳璠

崑崙山頭望西域星宿海出萬里奔黃河我從大梁向北
渡急走平陸登盤陀太行東偏林麓美此身未到心先過
蘓門山前百泉上鉅儒碩德何其多紛紛嵇阮流寂寞磻

之阿濂洛起飛溜洙泗仍揚波清明本自作冰盤甘冽不
產堅甲鼉鸞音仙客嘯俗駕山神訶馮夷畫驚星倒影鮫
人夜泣珠翻荷一空懸馨山中窩天地萬物俱包羅酒未
微醅口先吟哦此詩一出世莫解高峯千仞同差峩昔年
曾一遊湖南洞庭君山十二螺豈知此山此水秀而潔當
時學士問道肩相摩巖巒犖确盤空碧草木鬱茂深婆娑
淹潤沒骨染光瑩青銅磨諸賢忽長逝吾道方蹉跎高山
流水已絕響子期死後空雲和中州熙熙時物訛禮樂盡
變爲干戈可憐遺山不及覩不飲奈此明月何太平一曲
吾當歌

衛輝府志

卷四十一

詩類

二十一

蘓門高士圖贈孫徵士鍾元

國朝

吳偉業

蘓門山水天下殊中有一人清且癯龐眉扶杖白髭鬚
冠野服談詩書定州城北滹水瀦白沙村畔爲吾廬少年
蹀躞千金駒獻策天子來皇都腰鞬三矢玉鹿盧幽州臺
上爲歡娛日暮酒酣登徐無顧視同輩誰能如十人五人
居要樞拖金橫玉當朝趨今我不第何爲乎有田一廛書
百厨鷄泉馬水吾歸歟七徵不起乘柴車當時猶是昇平餘
一朝鐵騎城南呼長刀斫背將人驅里中大姓高門閭鞭
笞不得留須臾叩頭莫敢爭膏腴乞爲佃隸租請 牽爺
擔子立兩衢問言不答但歛歛先生閉門出無驢僵臥

榻絕朝舖弟子二人昇藍輿百泉書院今空虛此中聞是
孫登居太行秀色何盤紆橙楠榛栗松杉楸風從中來十
萬株嘯臺遺址煙霞俱流泉百道穿階除幅巾短髮不用
梳彈琴橫卷心安舒微言妙旨如貫珠考鐘擊磬吹笙竽
古人屋壁闡禹謨異人手授先天圖談仁講義追堯夫後
來姚許開榛蕪斯文不墜斯吾徒誰傳此圖來江湖使我
一見心踟躕卽今絕學誰能扶屈指耆舊堪嗟吁蘓門山
下有碩儒中原學者多沾濡百年文獻其存諸我徃從之歌
黃虞

蘓門山行寄劉公猷兼呈孫鍾元先生

衛輝府志

卷四十一

詩類

二十二

王士正

劉生俠氣老不除腰間玉具纓曼胡目送飛鴻臥西省晝
夢秋水思菰蒲掉頭一竿清潁尾琉璃萬頃堆西湖憶昨
聽爾御風摻山泉挾溜松風呼黃鵠山頭一握手戴公徃蹟
今有無山中舊約息壤在相看一笑言非踈濤頭如山五
馬渡酒酣夜別黃公壚平山堂上望汝潁恨無好句追歐
蘓昔與汪程共盤礴看君寫作蘓門圖怪石槎枒樹蕭瑟
醉墨絕似雲林迂嘯臺鸞鳳儼在耳安知嵇阮非吾徒聞
君近散萬金盡便衣埽塔辭妻孥山中有隣德不孤蘓門
先生今大儒夏峰村邊看秋瀑雲中髣髴開精廬尋源採

藥去不返空留鳥跡巖間書廣陵西望連孟諸倘逢樵
相訊山中服食今何如

恭祝

皇上六旬萬壽

王 紱

皇帝建極臨萬方 華遠被臻虞唐瑞開金鏡披珠囊繞
電流虹徵發祥 聖德徇齊超百王時乘六位飛龍驤上
符行健 穹蒼丕承 謨烈遵不忘 萱宮愛日虔扶
將□厨珍□□蕙涼尊養褒顯 徽音彰寶篆離陸輝琳緇
一人端拱垂衣裳宵旰動劬日未遑萬幾餘暇臨縹緗心
源遙契親羹墻惟 帝聖神邁武湯 睿謨方略恢乾綱

衛輝府志

卷四十一

詩類

二十三

蒲海葱山歸梯航 王會衣冠通遠荒 時巡王輅鳴鏘
鏘 豫遊俯蒼雲霓望東嶽岱宗灌用璋五臺列峙如班
行 翠華南巡過維揚駐 蹕指授先河防恭導 安輿
蒞康莊黃童白叟携壺漿 慈顏和霽欣時康金帛捧賜
盈道旁 宸衷軫恤猶如傷三十餘載 恩汪洋序屬仲
秋歲上章六甲環廻星弧張普天忭舞爭躋堂 聖志謙
冲語煌煌緩酌豳觥頌如岡待稱 金母瑤池觴右文泰
運開科場譽髦蔚興棫樸芳 恩推蔀 歌倉箱什一盡
免蠲秋糧鷄竿高揭寬桁楊園扉夜銷貫索芒 深仁淪
浹眞胥匡春臺咸躋樂未央 天子萬年受命長安貞保

合同無疆

張司馬依水園東壁觀王覺斯畫竹 郭 壘

淇園修竹礙行雲影入晴嵐翠可 下 清流上拂天宛
如畫圖看遊人何年移向華堂裏我曾見慣識此君舉手
向壁了無痕始知筆妙如有神拭日諦觀冷蕭颯含氣氤
氲森髻鬣寫出虛心勁骨寒眼底層層晚烟合更似蜃蜃
風欲起吹入流泉響重沓是真是幻定然疑惟是瑯玕搖玉
葉吾聞與可此技最稱首坡公頌之不容口又聞蕭郎及
斌老各擅英名數國手請看壁上渾洒處直逼諸公得未
有憶昔吾邑古之鄘衣冠簪笏河朔雄於時司馬文壇老

衛輝府志

卷四十一

詩類

二十四

七子翩翩意氣中文酒笙歌稱極盛園中花木鬱葱葱無
端運去時物改梓澤成墟洛社堦冠纓次第就摧頽反鎖
閉閤少人買輾轉蕩析成奇貨賈人于中剝其髓破瓦荒
榛慘入目子弟變作黎邱鬼昔日名園今禾黍眼前惟有
衛源水可憐失却傳神物何人爲問元冥宰毋乃神物化
龍蛇噴薄風雷東入海

五言律

使往天兵軍馬約與陳子昂新鄉爲期及還而不相

遇

唐

宋之問

人衛期之子吁嗟不少留情人去何處淇水日悠悠恒

雲斷衡漳白露秋知君心許國不是愛封侯

淇上卽事田園

王維

屏居淇水上東野曠無山日隱桑柘外河明閭井間牧童
望村去獵犬隨人還靜者亦何事荆扉乘晝關

東郡懷古

龐雲卿

漢家東郡國唐代義成軍日月乾坤裏山河晉魏分一書
褒美德九錫僭殊勲二傑今安在西山空白雲

淇上送韋司倉往滑臺

高適

飲酒莫辭醉醉酒多不愁孰知非遠別終念對新秋滑臺
門外見淇水眼前流君去應回首風波滿渡頭

衛輝府志

卷四十一

詩類

二十五

送魏八

高適

更沽淇上酒還泛驛前舟爲惜故人去復憐嘶馬愁雲山
行處合風雨興中秋此路無知己明珠莫暗投

同薛侍御登黎陽城眺黃河

楊巨源

倚檻恣流目高城臨大川九迴紆白浪一半在青天氣肅
晴空外光翻曉日邊開襟值佳景懷抱更悠然

登蘓門山泛舟百泉

明
袁宏道

食罷共城飯來觀泌水泉廢槁穿竹嶼小舫載茶烟方外
青溪寺人間好時田那能營二頃風雨嘯臺眠

春日遊百泉

袁宏道

里芳菲路依山雪一湖鮫珠鳴石礫鸞尾走菰蒲乳水
茶淨深潭照影無餘生行所願泛泛此中鳧

日光來映射潭底幻雲霞凡石皆成怪陳苔盡綴花小橋
通竹院流水響山家一樹棠梨雪深深沒釣沙

南子墓

蕭良有

讀書兼問俗久喜是芳鄰具眼見夫子其心豈婦人宮中
聞役史夜漏續前麟原無傾城意遺骸座北闔

謁比干廟

唐順之

下馬登邱壠藪林曲隧通碑因元魏樹地是有周封酒散
荒池上人行秀麥中故宮無可問徒此對松風

衛輝府志

卷四十一

詩類

二十六

共姜臺

甘茹

晚眺柏舟臺炎氛鬱不開綱常一擔重生死兩髦哀淇竹
凌霜勁泉珠噴地來土人嚴伏膺爲激衛風頽

登天臺山有感呈張嶺山

盧柟

天風吹斷壑秋色渺荒臺浩蕩江河去蒼茫日月來傷心
驚絕險回首起重隈欲盡登高興慚余作賦才

過延津有感

于謙

縣治蕭條甚疲民疫病多可憐官失職況是歲傷和空
全無積荒田更起科撫安才智短獨力奈民何
村落甚荒涼年年苦旱蝗老翁傭納債稚子賣輸糧

風生屋梁頽月墮床那知牧民者不肯報災傷

南湖寺

李夢陽

寺在侯趙川西山山深竹茂水繞花繁元至正元年建
中湖果竒絕迂嶺復南湖石磴迴相倚巖泉有乍無開窻
衆壑積當殿一峯孤更覽千林竹因懷長嘯徒

又下南湖

李夢陽

湖僧騎牝馬相送石門峰歆仄亂石路日暝漁樵逢蒼茫
翠微裡風落青山鐘羨爾巖居者終朝塵外蹤

輝城夜守

張克儉

山城纔斗大颺忽值流氛定氣籌全局齊心誓衆軍蹶張

衛輝府志

卷四十一

詩類

二十七

匪大勇沉毅乃雄文孰謂書生弱桓桓答聖君
丈夫心許國精白可盟天物以誠能動城惟靜乃堅火飛
天宇寂月黑性光圓無畏妖氛熾藏兵在井田
肅肅星辰湛城頭靜不擘枕戈期破敵聚米豈量砂旌落
沉兵氣霜飛冷劍花滴殘寒夜漏抖擻未還衙

懷蘓門孫徵士

國朝

王士正

山雪晚修阻蕭條松桂林孫登長嘯處南望百泉深坐臥
觀周易行藏托素琴空令稽阮輩天半聽鸞音
戰地山河改中原耆舊存嘯歌惟甕牖今古一蘇門伏臘
留田舍羲皇到子孫悠然太平世嘉遯老邱園

送友歸蘓門

宋 犖

子故山去蘓門尋嘯臺遺音想鸞鶴古屋掃莓苔砌下
百泉沸窻中千嶂開飄然欲一往惆悵離筵怀

同人訪趙松雪碑蹟

王紫綬

細路霜郊出荒碑夕照前履聲隨葉落人語入蒼烟日月
龜龍老山河蝌蚪懸誰憐城郭改野火一年年

望京樓

許作梅

猶有秦宮在十年客淚收燕飛何處宿春盡不知遊繡閣
晴雲覆屏山怪石留長林角巾者乘興亦登樓

獨上看黃屋何堪遠色來一溝衛水曲萬點蘓門開有盡

衛輝府志

卷四十一

詩類

二十八

山河眼無窮歌舞懷依依春苑裏宮樹影徘徊

遊百泉

許作梅

瞻彼百泉下朱亭瀲灩侵乾坤多戰後烟雨此溪深白鷺
橫沙影青蘋亂石沉泉源不厭客瀾瀾逝如今

早過五陵

李登瀛

日色遠含空蒼然曉望同高峯先閃閃宿露尚濛濛綠樹
千章外黃鸝百轉中遙看裘馬客初起鞞花驄

夜宿崇興寺早發太行北頂

金秉忠

尋磬入禪寺觀空息萬綠烏棲雙樹暝僧定一燈懸境
塵喧外心閒慧照前清晨躍去馬山色滿行鞭

粧臺

董天星

離宮無恙日玉輦幾經過四海餘輦蹙高臺出笑歌綺羅
春夢去花草夕陽多俯仰懷今古繁華逐逝波

送六弟杰士歸衛源

景考祥

久聚難爲別何堪骨肉親天涯餘涕泪門外是風塵殘月
憐孤影歸鴻悵遠津兩年羈客伴獨作故鄉人

潞簡王墓

趙樓

帝子嗟何在淒涼衛水西杜鵑今日塚桐葉舊時圭野殿
松杉亂殘碑歲月迷兔園諸學士猶得見鴻題

蘇門山

許作梅

衛輝府志

卷四十一

詩類

二十九

猶憶蘇門勝林塘紀客遊山光深竹徑荷氣泛花樓風月
盈樽夕漁樵夾岸秋卽斯恆不改何地覓眞休

七言律

送李尚書鎮滑臺

唐

劉禹錫

南徐報政入文昌東郡儒林別建章視草名高同蜀客擁
旄年少勝荀郎黃河一曲當城下緹騎千乘照路傍自古
相門還出相如今人望在岩廊

送周尚書赴滑臺

張祐

楚謠襦袴整三千喉舌新恩下九天鼓角雄都分節鉞蛟
龍舊國罷樓船山河已在兵鈐內堂柳空閉鶴嶺前多病

無由酌一顧鄢陵千騎去翩翩

別韋司士

高適

高館張燈酒復清
夜鐘殘月雁歸聲
只言啼鳥堪求友
無那春風欲送行
黃河曲裏沙爲岸
白馬津邊柳向城
莫怨他鄉暫離別
知君到處有逢迎

登城北樓

高適

北樓西望滿晴空
積水連山勝畫中
湍上急流聲若箭
城頭殘月勢如弓
垂竿已謝磻溪老
體道猶思塞上翁
爲問邊庭更何事
至今羌笛怨無窮

送人過衛州

楊巨源

衛輝府志

卷四十一

詩類

三十

憶昔征南府內遊
君家東閣最淹留
縱橫聯句長浸夜
次第看花直到秋
論舊舉杯先下淚
傷離流水更登樓
相思前路幾回首
滿眼青山過衛州

黎陽寄姚合

賈島

魏都城裏遊從熟
才子齋中止泊多
去日綠楊垂紫陌
歸時白草映黃河
新詩不覺千回詠
古鏡曾經一向磨
惆悵心思滑臺北
滿盃濃酒與愁和

衛南

宋

黃庭堅

今年畚鍤棄春耕
折葦枯荷繞壞城
白鳥自多人
泥終濁水終清沙
塲旗鼓千人集
漁戶風烟一笛

鷗古祠栢對人猶是向時情

渭州畫舫齋贈李公擇學士

蘇

窻戶重重向日明
船居氣味此中生
汀洲出沒叢花短
浪澄虛兩岸平
竄逐南來身未穩
安閒感物意猶驚
前賢事跡君今似
不愧當年畫舫名

歸亭

梅摯

東風楊杏花飛曾伴先生酒
一卮前輩風流那復見
小亭烟雨漫相思
城邊春草路南北
山下河梁人別離
一尺短書湘水濶
千年愁絕雁歸時

瀟湘亭

趙鼎

衛輝府志

卷四十一

詩類

三十一

綠野平蕪柳際天
青山迴抱水相連
半空梅雪昏窻色
一掉湖風破暝烟
酒到愁來那覺醉
詩逢佳容不論篇
只知身在將軍府
一夢江南落枕前

安樂窩八詠

二首

邵雍

安樂窩中春夢回
略無塵事可裝懷
清風一霎座中過
清樂數聲天外來
日影轉時從杖履
花陰交處傍樽壘
人間未若吾鄉好
又况吾鄉多俊才

安樂窩中春夢時
閉門慵坐客來稀
瀟瀟微雨竹間霽
嚙翠禽花上飛
好景盡將詩紀錄
歡用酒維持自餘
身外無窮事皆可
掉頭稱不知

贈竇先生

元許衡

西山山下覓幽村水竹隣居擬卜君豈意天書下白屋便
收行李入青雲功名准自英賢立得失防因去就分萬里
風沙渺南北請歸消息幾時聞

衛水

魏恆

上國風帆快轉輸石林香露護神居龍吟別浦泉聲細鳥
拂空潭樹影虛蹴踖誰家春競賞琅玕千畝翠堪書綉衣
已覺清寒甚休遣風霜到隼旟

汲城懷古

王暉

尚父祠荒草滿扉五城猶在陣圖圍飛梁水落橫霜瀨石

衛輝府志

卷四十一

詩類

三十二

馬門空半竹簡有陵寢破山川良是昔人非臨風
笑煞安釐事甘著虛名博禍機

衛源懷歸

陳祐

功名場上日奔忙北去南來十五霜海嶽厚恩慙未報蓴
鱸佳興偶難忘一身自覺妨賢路萬事宜收入醉鄉塵土
滿纓思一濯蘇門山下有滄浪

清暉閣

彭始奮

登樓遙望舊朝歌故國悲涼可奈何北向太行春色遠西
看上黨暮雲多嘶茂草襄王墓雀噪寒花邵子窩便
蘓門身欲隱山巔何處覓公和

石門山

明
李夢陽

明星欲落開縣城千峯萬峯初雪晴源泉亂石涓涓溢
壁孤雲裊裊生估客深穿猛虎窟樵夫習傍翠巖行仙
屹立三潭水玉鯉空懸一線情

礪道晴雲雪草春石門丹壁鬪嶙峋聞雷不羨蛟龍起避
地翻將虎豹隣少室山人虛索價壺關三老實藏珍烟花
白日經行處鴻雁冥冥嘆此身

登滑縣城樓

李攀龍

層樓落日倚蹉跎明府高軒載酒過檻外清陰開大陸簾
前樹色散漳河關山紫氣臨燕滿風雨青山入晉多我醉

衛輝府志

卷四十一

詩類

三十三

欲裁王粲賦故園戎馬近如何

與盧次楸登大伾山

李攀龍

河朔風塵萬里看空亭天外一憑欄夕陽忽送孤城色高
雪遙臨白馬寒何處浮雲吞大澤干時紫氣滿長安我來
欲著浮邱賦此地因君老鷓寇

同王元美泛舟衛河話別

謝榛

王郎乘舸下重灘相送清尊一盡歡客路艱虞知已在老
年離合定期難月光初孤帆落秋氣平分萬木寒後夜
登樓嘆圓缺迴瞻北斗是長安

定居樓

趙南

成衛國舊山川避俗閒居興渺然曠宇儘教官燕
天常爲送雲煙卽誇洵美寧非土何似爲郎久不
東園魯小構相望壁室兩神仙

延津懷古

劉

碧潭清水漾金堤酸棗依然滿路岐津渡已無袁紹
尙有蔡邕碑縣門北顧迴龍廟驛路東經飲馬池自古
英雄爭戰地於今盡屬聖明時

讀薦徵君師疏賦寄

張果中

旅夜挑燈讀奏箋忽驚豸史識高賢霜毫色借蘓門月風
韻光搖衛水澶江上有編答漢詔河邊洗耳廣堯天聲名
衛輝府志

卷四十一

詩類

三十四

從此須銷盡莫使煙霞影更傳

九蓮

國朝
孫 淦

在紫團西北數里對峙而不相屬均在絕壁之上山有九
峯形如蓮花故名中有古刹東山亦有廟名東蓮因西蓮得
名路皆石磴甚險

龍種老叟啟蓬蒿久住山中致使高蔬摘 厨烹棟葉茶
斟瓦鉢点槐膏虛窻覺曙來啼鳥窮谷知春放野桃撥
慙慙一夜語不曾片語染塵囂

屐齒摩天鳥道平下方無際轉心驚古巖日背長凝雪
塢春遲偶聽鶯雲返危峯千樹暗石沉絕澗萬

下懸崖坐貪看飛 不昔行

清暉閣

陳 勳

清暉高閣峙中流迴合蒼烟入座收六月蓬瀛几簞冷四
嵐氣雨花浮松風竹籟傳孤韻人語溪聲共一樓獨倚
老欄玩澄碧恍疑神女弄珠遊

九日登秋聲樓

朱 煥

此日登臨覽物華眼前秋色淨蒹葭孤城新月催雙杵疎
樹寒烟帶暮鴉幽興偏宜人送酒勝遊須帶菊還家座中
俱是能文客莫向龍山憶孟嘉

潞王墓

李登瀛

衛輝府志

卷四十一

詩類

三十五

彤門無復漢諸王園寢依稀蔓草荒高閣連雲巢鶴鶴空
山落日下午羊數聲清磬添朝漏一盞明燈作夜光極目
銅駝荆棘裏百年遺蹟 滄桑

登虞絃樓

任

計日追歡有故侯乘風躡屐一登樓爭看闕柳猶青 莫
嘆城烏已白頭警欬疑從天上落烟雲齊向望 收定知
高會氤氳處留作文昌紫氣浮

衛源懷古

于大猷

當年桐葉本無功潞國分封侈郡中下里脂膏成玉宇驕
藩絃管醉春風潢池盜弄寒燐碧荆棘凋殘埜柿紅今日

太平宵不警豆棚相對白頭翁

淇園謁武公祠因登仙人嶺

蘓於洛

虛閣猶傳圭璧名淇園登眺曉烟橫
眼明綠竹干竿淨胸浣紅塵十丈
清流水無心隨石轉青山有約趨
人行天風似送蘓門嘯誰識空巖
鸞鳳聲

朝歌懷古

蘓於洛

禾黍故宮鼎久遷寒郊落木下無
邊風傳衛國三千載地紀殷墟六
百年箕子陳疇開後聖文王演易
繼先天象圖終古昭河洛蒙難丹
衷照簡編

當年長夜樂流連奕世遺音桑濮
邊想像瑤臺宮裡月依

衛輝府志

卷四十一

詩類

三十六

稀碧嶂古時烟

西山有朝歌砦

碩人貞靜傷絺綌之子清揚美帝

天獨取三章彤管義興衰盡載女箴篇

百里隣封仰昔賢此心南望已飄然
雨餘綠竹瞻淇澳霜

後黃柑憶百泉學道常懷君子恥知
非已屆古人年田園

何必追摩詰

有淇上田園詩

家住青山碧水邊

殷比干墓

蘇於洛

一坏封土歷商周山色泉聲萬古愁
誰見丹心開七竅空埋碧血照千
秋古文辨釋銅盤異聖蹟傳疑石
碣留海外孤臣歌哭後西風禾黍
尚油油

遊靈山寺

蘇體善

朱殷金錯畫難同返照光搖草樹叢翻壁斜陽重嶺外
絃新月數峯東烟疑暮靄霞穿谷山應人聲響破空別有
窓禽聽講慣驚回殘夢翠微中

五言絕

封邱作

唐
高適

州縣才難適雲山道欲窮揣摩慚黠吏棲隱謝愚公

蘓門山

明
理鬯和

我欲家蘇門寄懶課靜功補山之缺陷栽萬株怪松

七言絕

封邱作

唐
高適

衛輝府志

卷四十一

詩類

三十七

可憐薄暮宦遊子獨卧虛齋思無已去家百里不得歸到
官數日秋風起

白馬津

劉禹錫

白馬津頭春日遲沙洲歸雁拂旌旗柳營惟有軍中戲不
似江南三月時

嘯臺

賈島

如聞長嘯春風裏荆棘叢邊訪舊蹤地接蘇門山近遠荒
臺突兀祇高峯

蔡中郎斷碑

王建

蒼苔滿字土埋龜風雨消磨絕妙詞不向圖經中舊見無

識得蔡邕碑

咏青陵臺

李義山

青陵臺畔日光斜萬古貞魂倚暮霞莫許韓馮爲蛺蝶等
閒飛上別枝花

商郊

胡曾

鶯囀春郊百草新股湯遺跡在荒榛誰知繼桀爲天子便
是當年祝網人

酬滑州公儀龍圖見寄

宋 歐陽修

畫舫齋前舊菊叢十年開落任秋風知君爲我留紅旆猶
記栽花白髮翁

衛輝府志

卷四十一

詩類

三十八

寄永叔內翰

梅摯

酒戶棋兵孰與儕月宵曾遇六天街南燕到後懷君遠時
入樓東畫舫齋

太行山

范大成

西北浮雲捲暮秋太行東麓照封邱橫峯倒嶺知多少行
到燕山翠未休

箕子

王十朋

諫君不聽念君深被髮佯狂自鼓琴千載共傳箕子操一
時難悟狡童心

比干

王十朋

諫君不聽合亡身豈忍求生却害仁不向天庭剖心死安
知心異世間人

石碣

王十朋

人情誰忍棄天倫公獨能將義滅親何惜一時誅賊子不
妨千古作純臣

太行山

徐 範

茫茫遠樹隔煙霏獵獵西風振客衣山雨未晴嵐氣濕溪
流欲盡水聲微

七賢堂

金
元好問

石壇高樹映寒藤閒有沙鷗靜有僧總愛此間竹林好七

衛輝府志

卷四十一

詩類

三十九

賢來了更誰曾

香泉

元
王 惲

滴乳巖前挂瀑流青林飛灑動高秋玉龍躍入青冥去堆
疊蒼煙萬壑愁

太公泉

王 惲

縈紆一水蟠深澗野叟何知說太公壇下古碑堪晤語大
書深刻太康中

七賢堂

王 惲

作者當年亦七人粗聞名姓孰能親山陽首作
恐筠林是要津

百門泉

王

濟南七十二名泉散出坡陀百里川未似共城祠丁水
窠並出畫欄前

半空風雨山頭樹十頃玻璃水底天孤客南來無着處相
宜只有百門泉

梅溪

劉賡

太行山色撲庭除踈影橫斜水竹居寄語愛梅林處士蘇
門風景勝西湖

嘯臺

劉賡

夷甫清談誠悞世諸公餘謗亦當分如何不管人間事日

衛輝府志

卷四十一

詩類

四十

醉共山頂上雲

淇園

明
劉基

駐馬淇園春正濃三山雲外聳芙蓉武公去後琅玕少霽
色猗猗入畫中

嘯臺

袁宏道

青峯如面洗溪紋石上鸞音久不聞欲向先生共一七嵩
山烟雨華山雲

安樂窩

趙貞吉

萬疊青山百道泉一蓑烟雨老先天如何尚有英雄氣暗
註皇王帝霸篇

太行山

于謙

信馬行行過太行一川野色共蒼茫雲蒸雨氣千峯暗
帶溪聲五月涼

白雲寺

劉玉

在太行山下舊名白茅寺又稱夢覺寺肇建於唐重建於
元至元二十年於明洪武二十四年重修改今名

荒村歷盡抵僧房三鳳泉頭笋飯香恐天明驅馬去夜
篝燈火聽琳琅

藺相如墓

劉玉

六國紛紛欲帝秦魯連豪氣未全伸咸陽壁返渾池在氣

衛輝府志

卷四十一

詩類

四十一

壓秦王有幾人

麥畦花草尙餘芬千古何人酹一樽惆悵驪山珠玉盡平
羅今有藺公墳

三仙洞睡起

無名氏

菌枕松牀午夢覺莞然一笑秋陰薄自斬濟世無他才只
合歸山伴野鶴

山下且同雙鶴棲洞中長與白雲期北窓睡覺渾無事
樹沉沉鶯亂啼

謁賀景瞻像

國朝

孫奇逢

先生節烈壯山河繪得鬚眉生氣多携有百泉烟雨

當蘋藻一悲歌

五節祠

孫芝萃

衆葉隨風影亂移老柯挺挺正相持欲知報主無窮志秉
燭揮毫夜半時

捲地風塵進退難一家都是鉄心肝可憐樓角愁雲鎖來
往行人拭淚看

遊靈山寺

蘇於豐

白髮飄然學壯遊逡巡陟險共尋幽樵夫牧豎爭相見好
認廬山識故侯

古寺莊嚴萬嶺中山門半掩翠雲叢老僧喜見詩人面自

衛輝府志

卷四十一

詩類

四十二

汲新泉截早菘

路出前山轉後山披榛仄徑手常攀溯流九折尋源去果
有雙龍水一灣

子尋壁立似崇垣共說磨崖詩六言老眼模糊訪姓氏南
陽高弟是雲孫

排律

唐元宗賜崔日知

潞國開新府壺關寵舊林妙旌循良德特悅庶民心禮樂
中朝貴仁明列郡欽揚風非贈扇易俗是張琴藩鎮謳歌
滿行宮雨露新會書丞相策先賜潁川金

嘯臺

宋 蘇軾

高士隱蘇嶺平臺留至今峯巒相掩映松柏共陰森自是
甘潛迹誰言竟陸沉喜觀三絕易時鼓一絃琴作炭人能
識投河怒不侵當年居士窟素志樂山林阮籍聞長嘯嵇
康愧夙心谷巖悉響應鸞鳳比聲音信是江沱咏誠非澤
唵我來重遊覽清氣逼塵襟

嘯臺

明 唐順之

晉時肥遯士長嘯此山陰自遠龍蛇跡能爲鸞鳳音清靜
同河上沈冥異竹林坐超惟默理妙契守雌心逸駕應難
返荒臺尚可臨俯看恒衛水遙見太行岑砌冷踈花發扉
衛輝府志 卷四十一 詩類 四十三
肩落葉深寧知千載後更有阮生尋

百門泉

吳國倫

渾渾靈源闢功非禹鑿艱乾坤一勺水今古百門山入谷
驚風雨凌虛儼珮環啣雲風細細漱石瀉潺潺玉濺鮫人
淚星濛織女鬢亂紋吹翠壁空影射玄關纓笑滄浪濯珠
爭合浦還吟龍湍未穩躍鮒藻俱閒劍卓雙虹外琴橫萬
籟間臨流蘇病骨撫景滌愁顏河漢心難問濠梁跡可攀
冷然幽意足長嘯俯人寰

香泉古栢

李從坦

自是殷人植森森衛水濱枝高長接月幹老已生鱗暝暗

疑風雨蒼茫識鬼神培塿寧隱跡嵩岱可容身久以
著還因鳴鳳親烏蘿常藉此攀附上青旻

避暑百泉酌王令兼呈翁中丞

甘茹

帝許專三徑天如借百泉紅塵隨市遠綠樹與雲聯疊嶺
屏周折洪河帶繞旋中原䟽眼孔巨浸吐清漣鑿飲同堯
日尋源溯禹年龍宮沈壁重鮫室迸珠圓派列金齊湧渾
空鏡倒懸鷓鴣嬉對語藻荇亂相牽習戰移昆渚逃禪覓
輞川濠梁魚極樂銀漢鵲難填積浪彌漕艦奔流遍野田
芝樓堪避暑瓦枕足遊仙客有臨淵興誰開問字筵承家
元鳳翥出宰舊鳧翩東道煩文學西堂憶惠連村舂雞犬

衛輝府志

卷四十一

詩類

四十四

外鄰笛竹梧邊壺榼邀歡近炳霞選勝偏蓋傾槐影轉屐
踏蘚痕穿廟貌丹楹合經師絳帳全懷賢疑卓爾弔古更
悽然臺跡留孤嘯琴心托一絃步兵狂不改叔夜懶仍便
代阻黃虞竅人忘魏晉詮窩中窺歷數丸裏弄坤乾移席
虛亭畔看碑勝國前雨聲欺夜急山色競秋鮮鐘定雷紛
鼓燈搖電雜鞭八窻風闔關四面海潺湲戶廠雙螢度林
深獨鶴眠催詩豪士令投轄主人權暗辨振振鷺低聞嘒
嘒蟬歌輕裁白苧社冷續青蓮久抱乘桴癖欣逢解佩緣
賜湖從賀鑑犯斗訪君平去國身那繫非才衆所憐朝辭
滄水使暮醉孝廉船劍以風胡別駒因伯樂傳塵埋霜作

刃泥沒鉄連錢刃鈍終藏閉玄黃忍棄捐卜居司洞府飛
檄領蘭荃豹隱非吾土 棲暫脩員思吳鱸入膾舍魯雁
驚絃邈矣希貞白歸與擬太元石田躬秉耒茅屋客添椽
抱甕行蒼塢扶筇坐碧巔鶡冠縫薜荔虎鼎鍊丹鉛酒傍
新豐貰茶憑活水煎喚回焦鹿夢抄畫橐駝篇北闕書休
上南華註自箋臺垣光萬里知已在凌煙

謠

周穆天子傳曰天子東遊於黃澤使宮樂謠云

黃之池其馬歎沙皇人威儀

黃之澤其馬歎玉皇人受穀

衛輝府志

卷四十一

謠

四十五

明鄧公諱學古臨武人任獲嘉縣教民農桑民感之爲之

謠曰

我稼我耕兮何與乃公兮

明郭公令輝邑興水利建馬家橋民爲之謠云

衛水滔滔奔流如駛下至雲門逾十九里開渠一丈其清

泚泚澤我杭稻三農欣喜

百泉混混共城之下水鳴石間不舍晝夜我侯惠民引流

滋稼咸飽而嬉樂茲 稔

共城之西桌水渾沸鑿渠引之以灌以溉宜我稻田厥利

罔旣嘉名永垂惠而不費

郭公諱蒙吉新鄉縣人以歲貢任山東臨清州同知

武城范縣暨府篆有善政民愛之爲之謠云

郭公臨穎士貴民安祈天永年百祿是全

郭公臨穎民安士貴祈天永歲百祿不匱

辭

國朝周 病餘釋難辭 并序

乾隆二十有二年夏四月冰鶴侍者蹶躓在官遂有恆羸之疾家慈君春秋七十有三懼侍者以力孱忝 荷又廻首里門我伯考青巖公捐館年餘未營隧羨懿親疆近追計平生惓然攬懷歸之志是命侍者引疾陳情書再上獲

衛輝府志

卷四十一

辭

四十六

可所請五月己未解龜稍息劓補鯨偃仰睢 病以不復漸將以商秋九月簡裝襪被奉母南還冷雨踈風廻霜落木送我乎淇之上者潭水千尺深情慘思而余亦泣數行下文通一賦未以罄茲欲抒之隱也爲作難病釋病二篇其辭曰

淇父老子弟搢紳士女之徒聞冰鶴侍者行相與詬而病之三舉而難之曰異哉尹之爲是愬也其以淇實蕞爾田廬勃溪厥俗眈眈愔愔不足與擴所建豎耶其劇岐賴蹶五載於茲卒不可以大耐望望然去此也抑謂拊循爬梳具爾和集民可馴作息吏可弛負擔耶則與申其說以請

大陳杞宋邾四代之裔也凡蔣邢茅同姓之昭也淇
小虞夏之冀有殷之王圻成周之洙邦康叔武公之士
孟門太行實左右斯司隸河內實部郡斯陶施錡樊實飭
粥斯德善所暨美弗諼焉卅卿至而削盤錯季重來而式
歌舞王豹細人猶將以曼聲易俗也不嘗徵之乎尹耶尹
入學而鼓吾儕懷慙以安絃尹行原而勞吾儕荷鍤以樹
藝尹坐廳事校案牘吾儕瀝悃質成得一言而懣釋用不
犯於有司誠藉尹而滌山藪之疾以莠華腴醜潢渠之源
以孳麗產挈順則之民穎者澤詩書樸者載芟柞一隅底績
四國其型而誰與爲敝敝也謂淇也劇者九軌之馗南北

衛輝府志

卷四十一

辭

四十七

子午之交羽騎紛闐星軺繚錯委節供帳不違偃息者五
年然而事不避難虞府君教也尹嘗服膺是言上官詢考
所及謂銳銳於敬事每至毗鄰疑牘傲簡趣按所至多平
反年來羽林西指道次淇門朱竿耀天徽車必路萃澁沈
溶而來者以數千乘計於時元冬隆烈尹拓原而壁儲侍
以犒馳跬於曉霜宵雪之中以攸利師行雖一簞一壺曾
無取給於閭井誠見尹之愉快獨勝而不以爲瘁寧今口
視昔力遽詘然止頽然放耶博愛之謂仁行而宜之之謂
義有道之士饑溺仔肩無時其與息夫既竿此怨咨矣
吾淇患寡與貧不忘鍼坐下車之始適遭蝗魃之憂

寢尠餐面目枯黧晝則攘臂裂眚力而與蝗角諸田
褫服散髮愴而與魃訟之廟求所謂神龍窟 徒跣號籲
以與民請命於爍曦塵嘆之 已而撼山椒迻月畢褫襪
畢銷歲以不害焉比來時和屢登遽謂旃魚有象無復厖
此綢繆胡乃尹去不逾旬大浸稽晝夜蕩析我閭閻漂搖
我畦畷漫漶我禾稼君能相羊局外耶抑尹嘗涉淇園緬
流風鑿圭璧之崇臺營西泉之別業復經涂之輿梁矣厥
有前功覲茲霖潦保無荒榛宿蔓頽委湮沉其豈以去後
之滄桑無爲厲以省譽則將使曩疇之搢畫付之終焉永
歎尹誠忍之否也以是三難爲尹百病病人者病於人吾
衛輝府志

卷四十一

辭

四十八

儕質不踵華徑不習諛誠不欲效遮轅祖帳之具文亦不
復能爲尹諱尹抑復何言

冰鶴侍者聞是病已蹶然而作怒焉而喪其所懷來迺徐
敷衽陳詞以爲之釋曰嗟乎病之不可以已夫吾病也吾
病而交病其病病可自狀也昔吾初毀齒嚴君厭世慈母
閔斯於藐孤掬荼而粥撚絮而衣惇惇相倚而吾槁頂佻
儼不克紹聞吾先子清芬者病之萌其稍長也吾伯考憾
憾咽咽以咻以植又以一綫故也觥撻不易以施而吾且
蝕寸陰甘情竄以弗率長者教者病之蓄弱冠列諸生貢
上舍轍復踣躓名場浪跡於吳楚魯齊燕趙中山之域

十有餘年始試京兆屬春官一行作吏曾不復游思事機
洞舉物曲而煥 蒙督以赴功名之會者病之極 楚公
子有疾而吳客爲之發太子恣然汗出而有瘳今吾病已
三變故非刀圭砭石之所可投抑又與楚公子受疾之源
不同語吾烏乎發之而我父老子弟方爲是難難將奚從
姑有說於此焦螟巢於蚊睫蠻觸國於蝸角鴻鈞之化機
微之乎微也葭莖鼓而陰陽龢纍黍鈞而神人感亭毒之
化理溥之乎溥也世不與我而相違我將與世而何擇人
不與我而相愬我將與人而何尤況在商賢明命之舊邦
周冑保釐之藩室瞻淇澳之君子躡靈巖之高風方謂何
衛輝府志

卷四十一

辭

四十九

修而居是敢見少以自封方謂涼德薄材罔克舉所職敢
誕思哆議謬以貽之羞乎願與父老子弟約淇山蒼蒼淇
水漣漣山水嶸溟墳墟相汁西北之爽塏宜麥宜黍宜木
棉宜羌桃梨柿榛棗之屬東南之沃衍宜杭宜稷宜穀菽
麻紵梁粳瓜壺卽脾之屬重以土風淳約澆漓率移君子
懷仁小人嚮方倘率是以往詔勉勤劬力餘於三年之粟
心餘於三冬之學淇興將未艾非任之弗齒檜之無譏也
昔者王遵叱馭於印阪李愬屬韃於蔡城以專王事以佩
臣箴余何人斯顧爲口實於鼓澤之高節也耶一命之
寵之綬而詔之精常祿足以代耕成賦足以給事國無

於任使也食而踐者毛與土俸而祿者膏與脂民無靳
具瞻也丐者捉襟 索解不食於嗟來盜者胠牖鑿坏
已攝於梁上吾赤子黔黎汗鋤雨櫛終歲作苦恐事育
弗充乃以在公所司浸淫下究而殘民以逞曾丐與盜
之弗若矣乎捧檄而致身嘗媿捐糜無以酌萬一寸筵尺
之所及遽謂北山之獨賢是重滋臯戾也願與我父老
子弟約政之在尹舊以貽新善之在人誰不如找尙慎旃
毋詭隨毋悞淫修道人之教陳太師之詩以謳衢讓坻
於泰階之世我將結鞶憑軾重探桑雉於泉甘竹蓁之間
寧弗光被故人耶金穰木饑堯水而湯旱造物之所不能

衛輝府志

卷四十一

辭

五十

預也壬申之夏余始蒞淇事前有馮夷之虐後有蘊隆之
傷吏茲土者積咎餘殃恨不獲犧身艾體以膺沴厲泊乎
不害則帝座呼吸之通乎民余又何勤之與有而洄而溯
之猶爲與同憂患焉繼此以來汔可小康余則支離鍾粟
鮮所效乎庶生迺至懸 五載遽於解龜之後邁此鞠凶
潰山通池其魚其沼而余方學賦閒居罔越樽俎不獲擗
跣塗泥以躬事磔門伐鼓之憂又不獲式板陳圖與於宣
上德達下情之令典是則顏有忸怩意有忤懌者洵非百
之所能解免也伏見 國恩浩洋沛以殊特舍圯調
人餒飲之粟蠲則壤之供輸罷舳舻之 詔下

南吳楚截供春糧數十萬石浮江達河以佐東都賑貸之
具泱泱乎起溝瘠而凶之民無或失其所矣願與我父老
子弟約食德煬和無於力作秋霽潦淨淪浚爾陂池以愆
後患誕降爾粦麥以祈來年所尤動念者靈雨汗萊是生
魚窟經春曠鬱螟蠹易孳惟相其原隰薶莽而耰之 害
乃已其在輿梁館榭旋葺而復之亦淇之切計所難踈其
度以有瘳乎持是三解用憫三難而余之病雖三變終不
敢病已病人爲世之所大忌也我父老子弟或妄聽之
余從此行矣

